



恪靖奏稿初編卷十五目錄

浙省餉項支絀陳請照常收捐摺

奏報進規湖郡迭勝並攻克孝豐生擒首逆摺

附陳江省近日追勦汪丁二逆獲勝情形片

附陳閩邊軍情片

陳明覈減甯波府屬浮收錢糧摺

陳明江省減成米捐已飭停止裁撤片

一、清湖海內諸山皆為五姓所居

二、其地多為荒蕪，無有耕種者

三、其地多為荒蕪，無有耕種者

四、其地多為荒蕪，無有耕種者

五、其地多為荒蕪，無有耕種者

六、其地多為荒蕪，無有耕種者

七、其地多為荒蕪，無有耕種者

八、其地多為荒蕪，無有耕種者

浙省餉項支絀陳請照常收捐摺

奏爲浙省餉項支絀用款浩繁應請照常收捐以濟要需恭摺奏祈

聖鑒事竊查浙省未經賊擾之先曾經遵奉部行按照籌餉減成事例開辦捐輸以濟軍餉並遵續奉通行於例定銀數減二成外遞減一成其例減四成者不再遞減由司刊填實收分次詳請

奏獎嗣因省城失陷列郡淪胥捐事遂久停辦迨同治元年臣奉

命撫浙因軍食匱乏復經

奏准照湖北章程開辦米捐年餘以來藉此稍贍軍食  
惟查米捐章程實職虛銜照定例銀數減四成封典加  
級各項減四成外再遞減二成與向來浙省捐輸減二  
成僅遞減一成者有閒見在興辦善後修築海塘在在  
均需鉅款必須勸捐辦理而又未便概入米捐請獎且  
以前尚有捐輸本境防勦經費未經

奏邀獎敘者再四思維惟有仍按浙省向行籌餉事例  
減成章程凡報捐實職虛銜本減二成者仍遞減一成

其已減四成者不再遞減均由司委員分投勸辦按次造冊分別

奏咨給獎用竣分案覈實報銷其應歸京銅局收捐分發等項並監生補交四成實銀仍令捐生赴京上兌浙省概不收捐定例既相符合用款不無稍裨卽與見行米捐亦無窒礙據藩司蔣益澧具詳請

奏前來臣覆覈無異合無仰懇

天恩俯念浙省經費奇絀度支浩繁准予照常收捐俾辦一切善後事宜不致竭蹶如蒙

俞允並請飭部由驛頒發各項虛銜封典空白執照三千張貢監生空白執照二千張來浙以資填給除咨戶部查照外理合恭摺具

奏伏乞

皇上聖鑒訓示施行謹

奏同治三年五月二十日

議政王軍機大臣奉

旨戶部速議具奏欽此



奏報進規湖郡迭勝並攻克孝豐生擒首逆摺

奏爲官軍進規湖郡迭獲勝仗並攻克孝豐縣城生擒  
首逆恭摺馳

奏仰祈

聖鑒事竊高連陞蔡元吉等將菱湖東林山要隘攻克  
後蔡元吉一軍卽進紮荻港一帶該逆見官軍漸偏調  
集城內悍黨數萬悉趨東南路力圖抗拒五月初十日  
出悍賊萬餘直抄蔡元吉營後並分撲長生橋官軍營  
壘蔡元吉督各營堅壁穩守相持竟日賊不得逞至夜



賊潛扮官軍出小港希圖偷犯各營蔡元吉偵知密令  
洋槍隊二百名分伏於桑林待賊撲近突起轟之斃賊  
數百比曉該逆復出大股隔河而陣官軍出隊迎之因  
水阻未能痛勦計兩日共擒賊目三十餘名內有僞王  
一名僞天燕一名殺斃溺死者無數訊據生擒賊供堵  
逆黃文金糾集各僞王持十日糧誓與官軍決戰臣以  
賊勢既趨重此路蔡元吉所部兵力尙單當飭蔣益澧  
分撥師船並調都司湯葆元飛划一營前往助勦十四  
日該逆大股麇至蔡元吉督隊奮擊相持至暮該逆卽

逼長橋亭子橋而營時總兵劉樹元因蔡元吉各營苦戰連日勢甚緊迫急率所部及洋將實德稜花勇馳往策應新投溫州鎮總兵劉連陞亦率水師各營移紮菱湖東林山下昂一帶以壯聲援十六日劉連陞各營由荻港進發蔡元吉劉樹元督同陸軍助之賊憑河抗拒未能猝拔十七十八等日賊又於亭子橋添築兩壘蔣益澧以蔡元吉一軍連日鏖戰賊鋒未挫飭記名提督高連陞抽撥丁賢發錢桂仁兩營並調知府楊道洽一營馳往助剿二十日該逆復出悍黨數千分撲蔡元吉

營壘環攻五時均經擊退羣賊益憤酉刻分七路來犯  
並用大礮向長生橋營壘轟擊勢極兇悍蔡元吉飭各  
營鎮靜以待約會水師各營憑河扼堵自率親兵馳赴  
長生橋力戰卻之是夜密令副後營營官楊成棟設計  
誘擒偽軍政司樂興等六名並餘黨數十名斬之該逆  
知蔡元吉各營有備不可攻復乘虛繞襲菱湖抄我後  
路劉連陞率副將蔣榮彩參將梁雲山都司湯葆元守  
備劉仁和各營師船極力堵截高連陞派高有志洋槍  
隊百名助之二十四日該逆全股來犯劉連陞梁雲山

率所部迎勦斃賊多名燒賊船十餘號賊勢少卻劉連陞督師船乘勝追擊賊拚死回拒槍子如雨弁勇傷亡百餘名正相持閒適高有志率洋槍隊抄出賊後楊道洽又適從餘杭調至率所部排列菱湖助之賊見援軍突至駭而奔二十五二十八等日閒有賊黨出犯均經官軍擊走二十九日袁家匯賊目李得芳赴蔡元吉營中請降蔡元吉許之三十日親赴袁家匯擬督降人出其不意攻取未降各壘僞輔王楊輔清覺其有異卽率悍黨來爭蔡元吉麾眾分路截殺羣賊潰竄遂將袁家

匯賊壘一律焚毀率降眾七百餘回營蔣益澧當飭其將新附之眾編立一營餘眾分補各營缺額此五月初十日至三十日湖州東南路水陸各軍迭次血戰獲勝之實在情形也方輔逆之並攻東南路也堵逆復分大股由太湖塘楊漣以向軌村希圖撲犯林墟何培英各營之後掣我兵力俾不能馳援長生橋等營五月初九日該逆率大股分撲章字右營後營劉樹元飭何培英各營馳往截擊而自率所部繞出軌村兜勦適該逆正圍搶造浮橋渡河何培英乘其半渡擊之斃賊二十餘

名餘賊溺水死者無算追至軌村該逆尙圖抗拒劉樹元率所部馳至夾擊該逆紛向太湖塘楊濃竄去嗣官軍百計誘攻賊俱伏匿不出劉樹元見太湖塘之賊暫無動作南潯一帶已有蘇軍駐紮而蔡元吉各營攻勦正當喫緊遂率所部及花勇馳援詎該逆又從太湖塘繞出林墟後路陸家灣一帶以拒蘇軍不時分黨至離林墟二三里地方擄掠劉樹元飭何培英率各營於二十四日進勦該逆負隅不出何培英派章字右營抄出賊後兩路夾擊破其一卡其餘逆壘仍堅踞不退何培

英督隊乘勝猛擊劉樹元亦馳往接應合兵兜剿立破賊壘三座餘賊棄壘狂竄官軍追殺數里將太湖塘楊漢等處賊壘一律掃蕩二十七日復分擊晟舍賊壘鏖戰三時破賊卡一座而還此五月初九日至廿七日湖州東路水陸各營迭次獲勝之實在情形也餘賊悉退四安梅溪與踞賊合楊昌溶以四安梅溪既添賊黨其勢必將上竄自率各營由牌頭進銅嶺扼之令知府劉璈副將劉端冕谷香山等三營會同周廷瑞等六營由黃湖進白水灣直搗孝豐縣城六月初三夜周廷瑞劉



璈劉端冕谷香山潛師踰嶺以進黎明行抵孝城賊猶未覺瞥見官軍突至卽伏牆內施放槍礮官軍奮勇齊進受傷多名谷香山劉端冕躍過重濠揮兵直入劉璈督隊繼之奮攻逾時賊勢不支哨長吳德華首先由南門梯城而上立斬僞坪天義潘和周廷瑞督各營由東門攻入所部營官李有慶立斬僞天將洪恩坊城賊大亂紛紛奪路逃竄當於初四日午刻將孝豐縣城克復周廷瑞劉璈麾軍追擊遙見羣賊擁一賊騎馬狂奔意其爲首逆也劉璈急率所部躡蹤緊追至城北十五里

販山場外委李必得矛刺該逆落馬生擒以歸餘賊四散訊之卽僞感王陳榮也是役斃賊千餘名生擒長髮廣賊二百餘名拔出難民婦女五六百名奪獲羸馬百數十匹此攻克孝豐縣城生擒首逆之實在情形也臣維孝豐一城北通安吉東北聯安徽之廣德州甯國縣地方瘠狹又久經賊擾荒苦特甚山谷幽篁餉饋極艱實非屯軍之所然安吉廣德州旣尙爲賊踞甯國縣並無官軍湖州踞賊如圖西竄皖南竄浙勢必假道於此已飭留劉璈劉端冕谷香山三營駐守其地扼之而楊